

RHEOLAU CELF, DYLUNIO A THECHNOLEG

1. Rhaid i holl ddarpar gystadleuwyr yr adran Gelf, Dylunio a Thechnoleg gofrestru ar-lein. Ewch i www.urdd.cymru/eisteddfod i gwblhau'r broses hon gan ddilyn y cyfarwyddiadau.
2. Rhaid i holl gynnyrch adran Gelf, Dylunio a Thechnoleg fod yn waith a grëwyd gan yr aelod/aelodau a gofrestrir.
3. Cystadlaethau i unigolion yw'r rhain i gyd oni'r nodir yn wahanol.
4. Ar ôl cofrestru rhaid argraffu papur cofrestru unigol ar gyfer pob cystadleuydd a'i osod ar gefn y darn o waith priodol.
5. **Dyddiad Cau:** Rhaid cofrestru erbyn noswyl y Beirniadu Cylch neu Sir / Rhanbarth.
6. Rhaid i holl gynnyrch yr adran Gelf, Dylunio a Thechnoleg gael ei feirniadu'n Rhanbarthol.
7. Trefnir dyddiad y beirniadu Rhanbarthol cyn diwedd Ebrill. Cysylltwch â'ch Swyddog Datblygu lleol i gadarnhau'r dyddiad yma.
8. Ni chaniateir i gystadleuwyr ymgeisio mwy nag unwaith ymhob cystadleuaeth o fewn yr adran.
9. **Maint pob eitem:**
 - Gwaith 2D: Dim hwy 760mm x 560mm
 - Gwaith 3D: Dim hwy na 750mm x 750mm x 750mm
 - Diffiniad 3D: Gwrthrych sy'n weledol o bob cyfeiriad ac sy'n cynnal ei hun
10. **Pwysau pob eitem:** Gwaith 3D i bwysu dim trymach na **7kg** ac eithrio gwaith y Fedal Gelf, Dylunio a Thechnoleg a'r Ysgoloriaeth Gelf, Dylunio a Thechnoleg.
11. **Mowntio:** Er mwyn diogelu'r gwaith caniateir mowntio ar bapur neu gerdyn tenau gyda border dim mwy na **25mm**. Ni chaniateir defnyddio 'mownt ffenestr' na ffrâm ar gyfer y gwaith 2D ac eithrio lle bo ffrâm yn angenrheidiol ar gyfer strwythur y gwaith. Caiff y gwaith buddugol ei fowntio'n broffesiynol ar gyfer Arddangosfa Genedlaethol ar Faes yr Eisteddfod.
12. **Polisi Iaith:** Rhaid i holl waith portffolio fod yn Gymraeg neu gynnwys crynodeb ysgrifenedig yn y Gymraeg.
13. **Gwaith Grŵp:** Gwaith gan 2 aelod neu fwy.
14. **Anghenion Dysgu Ychwanegol:** Diffinnir 'Anghenion Dysgu Ychwanegol (A.D.Y.) yn unol â rheolau'r Awdurdod Addysg Leol.
15. Bydd y cyntaf o'r adran Gynradd, y cyntaf a'r ail o'r adran Uwchradd ac Aelwydydd o bob Rhanbarth yn mynd ymlaen i'r beirniadu Cenedlaethol.
16. Bydd y cyntaf ac ail o'r Rhanbarth sydd yn gwesteio yr Eisteddfod yn mynd ymlaen i'r beirniadu Cenedlaethol.
17. Trefnir Arddangosfa o gynhyrchion buddugol yr Adran Gelf, Dylunio a Thechnoleg ar Faes yr Eisteddfod.
18. Cymerir pob gofal o'r cynhyrchion ond **ni fydd yr Urdd yn gyfrifol** am unrhyw golled neu ddifrod anorfod a all ddigwydd o safbwynt cludo gwaith i'r beirniadu cenedlaethol ac i/ag o faes yr Eisteddfod.
19. Os oes gwerth mawr i'r cynhyrchion neu os yw'r cynhyrchion yn fregus mae croeso i gystadleuwyr/rhieni/athrawon wneud trefniadau eu hunain i gludo'r gwaith.